

故宮博物院
珍藏

陝西府州縣志

共四冊
第四冊



故宮博物院編

海南出版社

故宮珍本叢刊第 082 冊陝西府州縣志第 4 冊(共 4 冊)

故宮博物院編

綏德州直隸州志 清澗縣續志

重修寧羌州志 略陽縣志

漢陰縣志 石泉縣志

海南出版社

新學書局
PDG

圖書在版編目(CIP)數據

故宮珍本叢刊.第82冊,地理.都會郡縣.陝西,[乾隆]綏德州直隸州志、[乾隆]清澗縣續志、
[萬曆]重修寧羌州志、[雍正]略陽縣志、[乾隆]漢陰縣志、[康熙]石泉縣志/故宮博物院編. —
影印本. —海口:海南出版社,2001.4

ISBN 7-80645-968-5

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06560 號

故宮珍本叢刊第 082 冊

陝西府州縣志第 4 冊(共 4 冊)

[乾隆]綏德州直隸州志 [乾隆]清澗縣續志 [萬曆]重修寧羌州志
[雍正]略陽縣志 [乾隆]漢陰縣志 [康熙]石泉縣志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:28 印數:1-400 冊

ISBN 7-80645-968-5/Z·49

定價:650 元(陝西府州縣志 12 種共 4 冊)

本書如有印裝質量方面問題請與本社或承印廠聯係
我社為本書每冊(種)書新編的目錄均置於每冊書末

綏德州直隸州志序

關中之地自秦漢以來分立郡縣之多未有若綏德一隅者也今試以歷史地理志所有數之秦漢為上郡治及膚施縣治北魏分置上縣石城中大武四縣西魏改置綏州又分置安寧郡安政郡及安寧

綏德州志序

一

綏德延陵三縣周文分置義良如隋置雕陰郡唐又析延福置北吉州并置歸義洛陽二縣又析置羅州並置石羅開善萬福三縣又析置匡州并置安定源泉二州外又有龍泉魏平二縣魏平則武德三年置龍泉則天寶元年更名至金而

又析置懷寧定戎義合三縣統而計之四郡縣之名已不下三十然元和郡縣志綏州所屬唐開元中不過二十八鄉元和二十一年太平寰宇記州所屬又僅十鄉復兼包清澗米脂數縣地逮夫

本朝而綏州編戶合民與屯定為七里三

綏德州志序

二

川屬縣清末而外並轄吳堡福員所至仍復遼遠而建置州縣不必至前代必彼之多而上無廢事下無殊俗者豈非以我

國家久道化成車書一統之盛有以深入乎人心故向之號稱難治者今皆漸仁摩義相安于一道同風

之世而于臻大聲名文物之休無煩
設官置吏之多歟羽守吳君牧是
州四年余既以其忠盡心民事存之
於

朝今觀其與州儒紳所輯之志條分
縷析舉類不煩于農桑學校之
中寓教士牧民之義上質盡心民

綏德州志序

三

事之一端也惟是州郡之志難于地
理地理之難則山川高下以迄四至八
到皆其大端余故依歷史地志與
地諸書擇其言可考信者冠弁
序端蓋經使後之牧是州者知
是州於前代實為要區及建置
郡縣至如是之多則必加素于近

邊之民留心于瘠薄之壤是尤志
之有裨於政治者夫時弘隆四十
九年歲次甲辰季冬之月是序
兵部侍郎兼都察院右副都御
史巡撫陝西西安等處地方貴州
軍務

欽加一品頂帶畢沅撰

綏德州志序

四

直隸綏德州志序

志之體昉於地索乎志之名昉於左氏
周志觀志乎兩漢書以降正史皆有地理
志而其別為一書者則有如元味郡縣志
諸編此其統志並後在茲獻通增職方互
易治閭殫見亡本慎其久而易淆注三於
統志不外郡縣各自為書取以資懷古而

綏德州志



一

備探風不綦重歟關中自金鎖弓東颺時
以地皆秦土郡地也而漢郡守之治實駐
於綏觀其城詭爽塏山谿險塞厥於延安
而直於榆林其藉以控制並甚優魏晉以
還危得危夫元明則僅為屬州

本朝因之後了升為直隸而分米脂清澗吳
堡三縣屬焉然後綏之疆域比於中郡額

皇上重脩式統志凡下州小邑俱

命儒臣釐訂之况綏為古之望郡而疏屬諸次

州志既已闕畧而三邑之志又未嘗參合
於其間有郡志之名無郡志之實我
之名見於山經者哉夫展廣輪稽戶口耆
徭行辨土宜此良有司責也刺史吳公為
余文多行來守是邦政勤恤和百廢具舉

綏德州志序



二

聽事之暇慨然念舊志之缺遺屬州紳李
君重為修輯而後一州之志夷然可觀吾
知閱是書者無不頌刺史之功而刺史之
心尤望後之人相與續修於勿替也是為
序

陝甘督李使者太谷溫常綏顯

新修綏德州志序

綏德古上郡地于前代為扼塞要區遭際

聖朝重熙累洽百數十年民生日習于太平雖峻

嶺深溝皆成耕鑿此非特百姓之福即守斯

土者勤教養而安輯之宣揚

恩德導引休和亦共樂逢其盛焉

忠誥以乾隆辛

丑歲由臨潼令承乏是郡下車之明年值歲

稍浸其次年復憂旱則未嘗不私心計曰是

綏德州志

一

長吏之未嘗先事諮諏而綢繆之有至有不

至也夫剛柔燥濕地為之而宜禾宜麥則地

不能自為之而民任之順乎地利酌乎民宜

苟投之而輒左必鑒有前車欲鼓舞以盡神

亦舊章宜率况乎星堦有定而疆域各殊政

治畧同而寬猛迥別人物於何而奮興則選

舉宜察也良善于何而彰聞則旌揚宜先也

爰進耆儒歷徵舊志補其殘缺括為新編凡

八卷是書也徵文考獻弼仔肩於李君少山

暨同校諸生僕復以荒耗之餘加之甄綜凡

有利于綏德固不登無利於綏德固不更百

姓之所欲知與守斯土者之所不可不知皆

載焉此復歲稔民康人無游惰後之至者以

養以教俾上郡之地允為康衢以仰承

聖天子久道化成之盛當不僅于是書有取焉是

又予之所厚望也

綏德州志

二

乾隆四十九年嘉平月知綏德州事吳忠誥

謹序

綏德州直隸州志序

綏於古為邊徼地春秋時白翟實
處此土後文考肅州馬無閑秦
漢以來並云上郡後魏時分上郡
南界置綏德縣此綏之名所由賄
如顧自高歡挾晉陽宇文弒夏

綏德州志序

一

州綏遂為交爭之地其後迄方
割據外徼心分唐宋以來多有
寧歲官斯土者非素嫻武備焉
能勝任前明余肅敏議遣鎮
榆甘州之人昭實受賜乃何
套未靖時出而肆官此晉漢王

氏所以私議其後也我

朝聲教覃敷中外一統州人士涵煦
德澤百有餘年寔古未未達之景運
然則於課家其不在韓范之
甲兵而在龔黃之政績也明矣余
自己巳冬承乏茲土舉凡山川之

綏德州志序

二

險易戶口之增損風俗之淳漓
愚與此邦之賢士大夫講求而切
究之及閱前刺史吳公延州紳
李君所纂州志則較舊志而
加詳上道天時中述人事下紀
物產以及疆域之形勢今古之

沼草靡不依類戢晉燦然觀
披是書者曰他制宜其於保惠
教誨尤有所裨因喜而為序
以附諸梓焉

乾隆五十年歲次乙巳嘉年
知綏德州事南沙蔣勳謹序

綏德州志序

三

州志總序

天位乎五歲功成焉威后謂會使苟
無歲則無民故志已歲功昔山澤通
氣乃順承天駟寰圉方隅判焉興
地次之惟天地萬物父母唯多秀而
最霸自封疆亡壁面以及人心之奮
草管人事也外事曰次之天不愛道
地不愛寶人盡其力不出於已然後
寶藏興賄財殖艸木鳥獸具宜咸若
故以物產終焉乾隆申辰州人李繼
嶠少山氏謹序

綏德州志序

同修姓氏	特授山東青州府知府	前任陝西綏德州直隸州知州	太谷吳忠誥	監定
特授綏德州直隸州	知州虞山蔣勳		初德州儒學學正韓城薛鑑	督修
絳德州吏目	奉天	黃良材	金事咸安宮教習	直隸絳州縣門縣
考訂	知縣李繼嶠撰次	恩	貢	生蔡能敏
增	生雷際乾	綏德州志	卷一 姓氏	七
已	亥	副	榜柳芳洲	歲
恩	貢	生安允鉅	生馬昭	增
廩	生郭朝麟	分校	生馬鎰	恩
廩	貢	生郝文光	生霍可掄	廩
生馬最德				

丁酉科舉	人柳溥
甲午科舉	人徐觀
廩生劉本儀	
廩生劉本健	
甲午科舉	人劉補之
癸卯科舉	人雷師有
廩生劉渠	
附生王炳	
增生李汝灝	
附生葉梅	
採訪	
附生馬國柱	
附生陸瑤	
附生馬房炳	
附生馬心良	
廩生王斌	
增生劉光謙	
增生王夢齡	

[illegible]

原任文縣教諭馬仲轅	特授西鄉縣教諭陸玳	燉煌縣訓導劉瀛	戊子科舉人徐震	庚子科舉人馬堃	癸卯科舉人馬丕基	壬申副榜霍仲簡	甲午副榜王丕振	庚子副榜安理	十	綏德州志	卷一 姓氏	丁酉拔貢分發山東縣丞蔡漸馨	貴州試用州同李汝念	歲貢馬愈驍	歲貢霍希元	歲貢馬愈驍	歲貢馬登陞	歲貢馬世澤	歲貢趙見龍	歲貢張勣
-----------	-----------	---------	---------	---------	----------	---------	---------	--------	---	------	-------	---------------	-----------	-------	-------	-------	-------	-------	-------	------

卷一原書缺第 12 面。

州志目錄	卷之一	歲紀門	星野	氣候	歲徵	輿地門	疆域	山水	形勝	卷之二	人事門	沿革	城堡	開隘	墩阜	津梁	故城	古塞	綏德州志	卷一 目錄	官廨	秩官	附兵制	戶口	田賦	倉廩	郵傳	卷之三	人事門	學校	風俗	壇廟	紀事	建議	古蹟	陵墓	流寓	卷之四	人事門	官廨	卷之五
------	-----	-----	----	----	----	-----	----	----	----	-----	-----	----	----	----	----	----	----	----	------	-------	----	----	-----	----	----	----	----	-----	-----	----	----	----	----	----	----	----	----	-----	-----	----	-----

人事門

選舉 武功 武科 例選 封贈 恩廕

卷之六

人事門

鄉哲傳 列女志

卷之七

人事門

藝文

卷之八

綏德州志

卷一 目錄

古

人事門

藝文 詩

物產門

穀蔬 瓜果 木 花 藥草 羽毛 鱗

介蟲 土石 附雜記

綏德州直隸州志卷一

歲紀門 星野 氣候 歲徵

星野

志歲紀而先星野以其爲天文也

漢書地理志秦地于天官東井輿鬼之分野也其界自宏農故關以西京兆扶風馮翊北地上郡西河皆屬焉自井十度至柳三度謂之鶉首秦之分也

唐書地理志關內道古雍州之域漢三輔北地上郡及宏

農隴西五原西河雲中之境京兆華同鳳翔邠隴鄜坊丹

綏德州志

卷一 星野

五

延綏有爲鶉首分山南道興元金洋鳳興爲鶉首分

邠鴻圖舊州志曰綏德當天文東井十三度入尾十度

星野之說昉于甘石星經而班固取以纂志然晉唐而

後延及宋儒聚訟紛紛不可臆斷姑存其說以俟專一

家學者考定焉

氣候

春夏晚秋冬早北較榆林西南較延安稍煖東南較汾州

平陽冷

綏德僻處西北地近沙漠二月而冰未盡泮三月而花

乃初開麥成在夏至之後霜見或秋分以前盛暑不廢
 繭棉嚴寒必資土室此其大較也若細驗之則州之東
 鄉與西川雖相連一土而禾苗收穫每以涼熱稍易亦
 覺氣候不齊然則分種辨宜量度早晚農人之事蓋可
 忽乎哉

歲徵

後漢書桓帝延熹四年四月上郡言甘露降

冊府元龜唐太宗貞觀二十一年七月綏州言慶雲見八

月綏州言慶雲見

綏德州志

卷一 歲徵

去

唐書五行志則天神功元年綏州雹

唐書五行志元宗開元十二年九月綏州霜殺稼

金史五行志章宗明昌三年秋綏德好蚘生旱

元史五行志成宗大德九年八月綏德州米脂縣霜殺禾

二百八十頃

元史五行志泰定帝泰定元年二月綏德州米脂清澗二

縣饑

元史五行志泰定四年六月綏德旱

明正統八年秋淫雨害稼飢

宏治元年正月朔地震有聲

正德五年六月朔地震有聲

嘉靖七年夏涼秋霜八月饑人相食 九年延綏榆林大

饑 十二年旱秋淫雨霜殺禾饑 十五年蝗 二十

四年十二月地震有聲如雷廬舍城垣傾圮 二十七

年地震有聲風震 三十六年小衝入城害禾稼 三

十八年河清 四十四年旱

隆慶二年五月延綏大水雹 三年水 六年旱饑

萬曆五年旱 六年大有年 十年饑 十四年旱 十

綏德州志

卷一 歲徵

七

六年饑 十八年風霾是歲饑 十九年延綏榆林二

衛所八月霜雹相繼禾苗盡死 二十六年雷大震廣

盈倉門外有一人抱兒震死兒無恙 三十二年雨雹

三十七年河清旱饑 三十八年旱 三十九年蝗

四十二年地震

天啟四年五月延綏等處地震 七年河清

崇禎元年饑草木冬華 二年四月至七月不雨 四年

冬大雪深八九尺日夜不止凡三日 六年饑 十年

四月雨雹 十一年河清旱 十二年蝗 十三年二

月風霾饑 十四年七月水禾稼盡沒入城市廬舍

十四年雨土雨泥河清淤

國朝順治三年雹蝗 六月七月飛蝗蔽天九月霜殺禾

十二年河清 十四年三月雨豆

康熙五年三月三日風雷徹夜雨魚于月宮寺山上有

年 七年大有年 八年大有年 九年大有年 十

年大有年 十二年大有年九月九日地震冬無雪

十八年旱七月地震 十九年旱 二十一年八月

大風穀菜俱凍 二十二年十月五日地震 二十三

綏德州志 卷一 歲徵

太

年旱賑銀米蠲免 三十四年四月初六日地震 三

十七年饑 五十九年秋霜殺禾 六十年春旱夏饑

賑設粥廠

雍正元年大有 六年五月十九日水

乾隆三年荒賑銀米冬地震 十六年六月十二日水衝

至南門入市 二十四年饑賑設粥廠 二十五年大

有 四十三年八月二日霜殺禾 四十七年秋旱蟲

食禾緩徵 四十八年旱秋淫雨歲饑賑銀米又展賑

四月設粥廠

氣候固可識種植之恒經歲徵尤足見政治之賢理故
獨照必書焉

輿地門 疆域 山水 形勝

疆域

大地區以山河宜志山水各分形勝宜先疆域

本州領米脂清澗吳堡三縣境東至黃河山西永寧州界

一百三十里西至安定縣界一百四十里南至延川縣界

一百六十里北至榆林縣界八十五里東南至延川縣界

二百二十里西南至安定縣界八十里東北至葭州界一

綏德州志 卷一 疆域 九

百三十里西北至懷遠縣界二百八十里距

京師一千八百里 西安省城一千一百里

本州境東至黃河永寧州界一百三十里西至米脂縣界

二十里南至清澗縣界二十里北至米脂縣界二十五里

東南至福樂坪清澗縣界一百三十里西南至沐澗峪清

澗縣界五十里東北至石岔里吳堡縣界一百二十里西

北至高和尙碣米脂縣界五十里

綏德自前明洪武後有州有衛由明及今州境不改衛

屢變焉未併衛入州未分隸前衛境東至黃甫川一千

里西至定邊界八百里南至營田清澗縣界二百六十里北至榆林鎮鼓樓二百五十里至順治十六年併衛州衛地舊境州併統之後雍正初以衛地遼闊鞭長難及于是綏德衛東北所屬之上三屯皆撥入榆關州縣即西南衛籍亦分隸米清二縣然其中又有不願改撥他縣者其時官司不能強如州西距城一百二十里之周家塢雙廟兒州南距城八十里之徐家河九十餘里之首嶺嶺等村至今皆越界隸綏其土田民人在峰崖溪澗中忽斷忽續不止犬牙相錯已也

綏德州志

卷一 疆域

手

山水

綏德山川載記最古疏屬栳危唐虞時伯益言之又雕陰無定皆散見唐宋以前而栳城山勢則由南而北水流則由北而南三丰謂山環水匝信然故疆域既定爰著山水

山

疏屬山在州城內

山海經貳負之臣曰危危與貳負殺竇窳帝乃栳之疏屬之山栳其右足反縛兩手與髮繫之山上木在開題

綏德州志

卷一 山

圭

西北

郭璞注曰漢宣帝使人發上郡疏屬山於盤石中得一人跽裸被髮反縛械一足羣臣莫能曉劉向按此言對之宣帝大驚如重文學于是時人爭學山海經矣論者多以爲是其尸象非真體也意者以靈怪變化論難以理則物稟異氣出于偶然不可以常運推不可以近數揆矣

吳任臣圖贊曰漢擊盤石其中則危劉生是識群臣莫知可謂博物山海乃奇

王充論衡云董仲舒視重常之鳥劉子政曉貳負之尸
李商隱啓共工蚩尤之輩與貳負同胞

獨吳志載劉歆謂疏屬之尸須七歲女子以乳之卽變
爲入帝如其言遂能應對故博物策云取女乳而疏屬
之尸可語辭亦誕矣

紀委餘編云劉向識貳負桎梏之尸蓋僵尸數千年不
朽者也今郭溪水側有重人穴穴中有僵尸不知年載
又記云人以五月五日生者尸不腐皆此之類

元和郡縣志龍泉縣有疏屬山亦名雕陰山按以疏屬
卽雕陰誤

綏德州志 卷一 山

三

嵯峨山 魚頭山

嵯峨山有信地樓魚頭山有永樂門二山皆疏屬山別
峰在城內

雕陰山在州城西南州鎮山隋置雕陰郡以此名

郝鵠圖志自文屏踰玉枕崗西元然高聳城外者爲雕
山

文屏山在州城南上有羅城

延安府志一名二郎山峰巒環列如屏

五笏峰在城西北五峰如列笏俗名五虎峰

月宮山在城西北二里大理入無定河處上有賞月台
溪洞見古蹟

合龍山在城西五里

漢書地理志膚施縣有五龍山

水經注奢延水東入五龍山

路史上郡膚施縣五龍山蓋出治之所也漢宣帝立五

龍仙人祠于膚施有帝原水黃帝祠

通志謂合龍山卽五龍山

按今合龍山有廟祀北極元帝並無黃帝祠元帝廟祀

綏德州志 卷一 山

三

始於元而勝於明漢時無之其下二水最小一流自大
穀鉢峪一流自小穀鉢峪未知是帝原水否世代荒遠
無稽卽郝鵠圖州舊志亦不載合龍山卽五龍山則此
說應存參

定仙嶺在城東南一百一十里俗名定興塢

太平寰宇記延福縣有定仙嶺又延安府志定仙嶺爲

金行兵往來要路金大定中置堡于此

南陽山在州城東南五十五里

其山橫亘西南北三隅圓水蜿蜒繞其下地理家以爲